

U G O V O R

O KOLEKTIVNOM OSIGURANJU ZAPOSLENIKA

zaključen između:

1. UGOVARAČ OSIGURANJA:
FEDERALNO MINISTARSTVO KULTURE I SPORTA, ul. Obala Maka Dizdara br.2, koju zastupa
Ministrica Zora Dujmović.

i

2. OSIGURAVAČ:
TRIGLAV OSIGURANJE D.D., koje zastupa Direktor prodajnog centra Sarajevo Žan Matić.

dana 13.06.2022. godine zaključuju

I – PREDMET UGOVORA

Član 1.

Predmet ovog Ugovora je pružanje usluga kolektivnog osiguranja zaposlenika Naručioca od posljedica nesretnog slučaja – nezgode, i isti se zaključuje na osnovu ponude br. 08-6260/22 od 01.06.2022. godine.

II – OSIGURANI SLUČAJ

Član 2.

Osigurani slučaj je iznenadni, nepredviđen i od volje osiguranika nezavisni događaj, a ima za posljedicu osiguranikovu smrt, potpuni ili djelimični invaliditet, kao i nastanak troškova liječenja uslijed nezgode.

III – OSIGURAVAJUĆE POKRIĆE

Član 3.

Zaposlenici Naručioca osigurani su po slijedećim osiguranim sumama za osigurane slučajeve:

smrt uslijed nezgode	32.500,00	KM
smrt uslijed bolesti	4.000,00	KM
trajni invaliditet	65.000,00	KM
dnevna naknada u bolnici uslijed nezgode	10,00	KM
troškovi liječenja uslijed nezgode do iznosa	5.000,00	KM
nastup teže bolesti	1.000,00	KM
za slučaj hirurške intervencije.....	1.000,00	KM

IV – OBAVEZA PRUŽAOCA USLUGA

Član 4.

Pružalac usluga se obavezuje da će Korisniku osiguranja, u skladu sa odredbama Uvjeta za osiguranje, isplatiti naknadu iz osiguranja i to:

- Osiguranu sumu za slučaj smrti uslijed nezgode, ukoliko je uslijed nezgode nastupila smrt osiguranika;
- Osiguranu sumu za slučaj smrti osiguranika uslijed bolesti, ukoliko je nastupila prirodna smrt osiguranika;
- Osiguranu sumu za slučaj invaliditeta, ukoliko je uslijed nezgode nastupio potpuni 100 % (posto) invaliditet osiguranika;

- Postotak osigurane sume za slučaj invaliditeta koji odgovara postotku djelimičnog invaliditeta, prema Tabeli za određivanje trajnog gubitka opće radne sposobnosti uslijed nesretnog slučaja sa oznakom TAB-inv-NE 09-09-bh ;
- Dnevnu naknadu za boravak u bolnici uslijed nesretnog slučaja – nezgode;
- Naknadu/povrat troškova liječenja, ukoliko su nastupili stvarni i nužni troškovi liječenja uslijed nesretnog slučaja-nezgode, do ugovorenog iznosa po priloženim računima.
- iznos ugovorene osigurane sume ili njen procentualni dio koji se odnosi na slučaj nastanka težih bolesti i to 100% osigurane sume za bolesti: infarkt srčanog mišića, zloćudni tumor/karcinom, moždani udar, embolija pluća, bakterijski meningitis, encephalitis, koma i transplantacija organa, odnosno 50% osigurane sume za bolesti: otkazivanje rada bubrega, dobroćudni tumor mozga, hronično oboljenje jetre, hronično oboljenje pluća/emfizem, teža oboljenja žlijezda sa unutrašnjim lučenjem, teže posljedice perforacije u gastro-intestinalnom traktu, maligni tumor kože/melanoma malignum,
- iznos ugovorene osigurane sume ili njen procentualni dio koji se odnosi na slučaj hirurške intervencije. Hirurška intervencija se definiše kao invazivni medicinski zahvat koji se preduzima za potrebe liječenja oboljelog osiguranog lica.

V – PREMIJA OSIGURANJA

Član 5.

Ukupna godišnja premija osiguranja za 48 zaposlenika iznosi 2.880,00 KM (slovima: dvijehiljadeosamstotinaiosamdeset KM). Navedena premija osiguranja oslobođena je od plaćanja PDV-a. (čl. 25 Zakona o PDV-u).

Za osiguranje zaposlenika od posljedica nesretnog slučaja (nezgode) izdati će se polica osiguranja u skladu sa ovim Ugovorom. Osiguravač će izdati policu osiguranja u skladu sa kadrovskom evidencijom, dok se Ugovarač osiguranja obavezuje da će dostaviti početno brojno stanje uposlenika na dan zaključenja police osiguranja.

Ugovarač osiguranja je u obavezi da pismeno obavjesti pružaoca usluga o personalnim promjenama ili promjenama brojnog stanja zaposlenika u toku trajanja osiguranja. Shodno navedenom, Osiguravač će vršiti redovnu evidenciju promjene broja stanja uposlenika te izvršiti konačan obračun premije pred istek police osiguranja.

VI – NAČIN PLAĆANJA PREMIJE OSIGURANJA

Član 6.

Premija kolektivnog osiguranja zaposlenika od posljedica nesretnog slučaja - nezgode fakturisati će se od strane pružaoca usluga kvartalno (na početku kvartala), u skladu sa izdatom policom osiguranja.

Ugovarač se obavezuje da izvrši uplatu svake ispostavljene fakture u roku od 30 (trideset) dana od dana ispostavljanja iste.

VII – TRAJANJE UGOVORA

Član 7.

Ugovor se zaključuje za period od 18.06.2022. do 18.06.2023. godine.

VIII – SASTAVNI DIO UGOVORA

Član 8.

Sastavni dio ovog Ugovora čine:

- Ponuda Pružaoca usluga br. 08-5781/21 od 08.06.2020. godine;
- Opći uvjeti za osiguranje osoba od posljedica nesretnog slučaja - nezgode sa oznakom PG-NE 09-9-bh,
- Dopunski uvjeti za kolektivno osiguranje osoba od posljedica nesretnog slučaja i smrti usljed bolesti sa oznakom PG-npk-KOL 07-08-bh,
- Tabela za određivanje procenta trajnog gubitka opće radne sposobnosti uslijed nesretnog slučaja (sa oznakom TAB-inv-NE 09-09 bh),
- Opći uvjeti za osiguranje od težih bolesti PG-dzo-tb/19-01-bh,
- Opći uvjeti za osiguranje lica za slučaj hirurške intervencije PG-dzo-hi/19-01-bh.

IX – OSTALE ODREDBE

Član 9.

Sve eventualne izmjene i nejasnoće nastale po ispostavljenim policama osiguranja i ovom Ugovoru, ugovorne strane će rješavati sporazumno.

Za sve odnose koji nisu regulisani ovim Ugovorom, primjenjivati će se Zakon o obligacionim odnosima.

Za sve eventualne sporove nadležan je Sud u Sarajevu.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

Član 10.

Ugovorne strane zadržavaju pravo na raskid Ugovora u slučajevima neispunjavanja obaveza iz Ugovora, uz prethodnu obavijest upućenu drugoj strani, najkasnije 15 dana prije raskida Ugovora.

Član 11.

Ovaj Ugovor sačinjen je u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

TRIGLAV OSIGURANJE D.D.


Direktor prodajnog centra Sarajevo

Žan Matić, dipl.ecc.

Broj: 08-5789 /22

Sarajevo, dana 13.06.2022. godine

FEDERALNO MINISTARSTVO KULTURE I
SPORTA


Ministrica

Zora Dujmović

Broj: 01-11-4734/22

Sarajevo, dana 13.06.2022. godine